

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 07/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 94. sjednici održanoj 26.04.2017. godine, d o n o s i

ZAKLJUČAK

I

Prihvata se Informacija o realizaciji projekta izgradnja regionalnog vodovoda „Plava voda“ Ministarstva za poljoprivredu, šumarstvo i vodoprivredu, broj: 05-14-1381-4/16 od 20.04.2017. godine.

II

Zaključak stupa na snagu danom donošenja.

Broj: 02-_____/17.
Datum, 26.04.2017. godine
Zenica

PREMIJER

Miralem Galijašević

DOSTAVLJENO:

1 x Ministarstvu za poljoprivredu šumarstvo i vodoprivredu,
1x Gradu Zenica, putem ministarstva,
1 x a/a.



INFORMACIJA o realizaciji projekta izgradnja regionalnog vodovoda „Plava voda“

Zaključkom Vlade Zeničko-dobojskog kantona broj: 02-25-1019/17 od 23.01.2017. godine prihvaćena je Informacija o realizaciji projekta regionalna vodovoda „Plava voda“, broj: 05-14-1381-2/16 od 19.01.2017. godine.

U periodu koji je uslijedio održano je nekoliko sastanaka na temu osiguravanja preduslova za realizaciju predmetnog projekta, a zaključci sa navedenih sastanka su hronološki sažeti u ovoj Informaciji.

Postupajući u skladu sa Zaključkom Skupštine Zeničko-dobojskog kantona, broj: 01-14-1310/17 od 30.01.2017. godine, donesenim na 37. Sjednici Skupštine, održanoj dana 30.01.2017. godine, kojim je zaduženo rukovodstvo Skupštine da u što kraćem roku organizuje zajednički sastanak sa predstavnicima Vlade Zeničko-dobojskog kantona, gradske uprave Zenica, Evropske banke za obnovu i razvoj (EBRD), JP Regionalni Vodovod „Plava voda“ d.o.o. Travnik i Fonda za zaštitu okoliša Federacije BiH, na kojem je trebalo iznaći zakonito rješenje za nastavak realizacije već podržanog Projekta „Izgradnja regionalnog vodovoda Plava voda“ i shodno tome predložiti rješenja Skupštini Zeničko-dobojskog kantona, radni sastanak je održan dana 03.02.2017. godine u 10:00 sati u sjedištu Kantona.

O održanom sastanku Stručna služba Skupštine sačinila je Zapisnik, broj: 01-14-1310-2/17 od 04.02.2017. godine, koji je dostavila učesnicima sastanka i svim poslanicima Skupštine, sa slijedećim Zaključcima:

1. U cilju utvrđivanja garantne sposobnosti Grada Zenice, u skladu sa Zakonom o dugu, zaduživanju i garancijama u Federaciji Bosne i Hercegovine, u pogledu obaveza vezanih za nastavak realizacije projekta „Izgradnja regionalnog vodovoda Plava voda“, obavezuje se Grad Zenica i Gradska uprava da Ministarstvu finansija što prije dostave svu potrebnu dokumentaciju i akte.
2. Obavezuje se Ministarstvo finansija Zeničko-dobojskog kantona da u roku od 20 dana dâ procjenu garantnog potencijala Grada Zeniceu pogledu obaveza vezanih za realizaciju projekta „Izgradnja regionalnog vodovoda Plava voda“, nakon čega će biti definisane naredne aktivnosti i mjere koje je neophodno poduzeti, te se u slučaju pozitivnog stava o navedenom, obavezuje Grad Zenica i Zeničko-dobojski kanton da u roku od 90 dana pripreme odgovarajuće akte koje će trebati svako od njih donijeti, i to **Zeničko-dobojski kanton:** *Izmjene i dopune Budžeta Zeničko-dobojskog kantona za 2017. godinu, Zakon o izmjenama i dopunama Zakona o izvršavanju Budžeta Zeničko-dobojskog kantona za 2017. godinu, Prijedlog Odluke o prihvatanju zaduženja po ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat „Izgradnja regionalnog vodovoda Plava voda“,* **te Grad Zenica:** *Odluku o Budžetu Grada Zenica za 2017. godinu i Odluku o izvršavanju Budžeta Grada Zenica za 2017. godinu.*
3. Obavezuje se Premijer Zeničko-dobojskog kantona i Gradonačelnik Grada Zenice da se pismeno obrate Evropske banke za obnovu i razvoj (EBRD) i Švedskoj međunarodnoj organizaciji za razvoj i saradnji (SIDA) kojom prilikom će iste upoznati o podršci navedenom projektu, kao i o aktivnostima koje se poduzimaju u cilju realizacije istog, te otklanjanju svih postojećih problema i ispunjavanju potrebnih uvjeta, te iste zamoliti za razumijevanje, kao i davanje svoje saglasnosti na produženje krajnjeg roka datog za završetak svih potrebnih aktivnosti vezanih za realizaciju pomenutog projekta.

4. Obavezuje se JP Regionalni Vodovod „Plava voda“ d.o.o. Travnik da se aktivno uključi u sprovođenje planiranih aktivnosti i da poduzme sve mjere iz svoje nadležnosti u svrhu ispunjavanja svih potrebnih uvjeta i pripremu odgovarajućih ugovora.
5. Svi učesnici pomenutog radnog sastanka upućuju svoju zahvalnost Evropskoj banci za obnovu i razvoj (EBRD) i Švedskoj međunarodnoj organizaciji za razvoj i saradnju (SIDA) za pokazano razumijevanje i pružanje mogućnosti svim nadležnim organima da u narednom periodu, u dodatnom roku, okončaju sve potrebne aktivnosti i mjere u cilju implementacije navedenog projekta.

Ministarstvo finansija Zeničko-dobojskog kantona je aktom broj: 07-14-1021-4/17 od 21.02.2017. godine dalo procjenu mogućnosti Grada Zenica za osiguranje instrumenata osiguranja kredita, novog kreditnog zaduženja i izdavanja garancija, u kojem je navedeno slijedeće: "Iznos potencijalnog novog servisiranja duga i garancija Grada Zenica u 2017. godini može iznositi ukupno 727.974,97 KM, s tim da se u skladu sa članom 7. stav 4. Zakona o dugu, zaduživanju i garancijama u Federaciji „kod utvrđivanja ograničenja **garancije ... obračunavaju u iznosu od 30% nominalne vrijednosti garancija**“".

Premijer Srednjobosanskog kantona je organizovao sastanak na temu razgovora o finansiranju projekta „Plava voda“, a zapisnik sa sastanka dostavljen je učesnicima od strane JP Regionalni Vodovod „Plava voda“ d.o.o. Travnik, aktom broj: 24/17 od 07.03.2017. godine, na kojem su doneseni slijedeći Zaključci:

1. Da Uprava JPRV „Plava voda“ d.o.o. Travnik zakaže sastanak sa Federalnim ministarstvom finansija, Fondom za zaštitu okoliša Federacije BiH, Ministarstvom finansija Vlade SBK i Ministarstvom finansija Vlade Ze-Do Kantona, sa temom: Preispitivanje mogućnosti davanja garancije od strane Vlade Federacije BiH, u ime Fonda za zaštitu okoliša Federacije BiH, za kreditno zaduženje, u vezi realizacije projekta Regionalni vodovod „Plava voda“.
2. Da Uprava JPRV „Plava voda“ d.o.o. Travnik, sa općinama i njihovim komunalnim preduzećima (učesnicima projekta), započne proces izrade prednacrtu Podugovora, u cilju davanja garancija za povrat sredstava zajma.

Broj: 05-14-1381-4/16
Zenica, 20.04.2017. godine

MINISTAR

Himzo Smajić